

REGLUGERÐ

um breytingu á reglugerð nr. 44/1999 um Jöfnunarsjóð sveitarfélaga.

1. gr.

Við 12. grein bætist nýr stafliður sem er svohljóðandi:

G. Sérstakt þjónustuframlag vegna fatlaðra barna á leikskólum.

Heimilt er að verja árlega hluta af þeirri fjárhæð sem rennur til þjónustuframlaga samkvæmt þessari grein í sérstök framlög til sveitarfélaga með færri en 2000 íbúa vegna fatlaðra barna á leikskólum. Um íþyngjandi kostnað verður að vera að ræða til að sveitarfélagi sé veitt framlag og að fötlun barna sé í samræmi við 2. gr. laga nr. 59/1992 um mál-efni fatlaðra. Rággjafarnefnd Jöfnunarsjóðs setur nánari vinnureglur um úthlutun slíkra framlaga og leitar umsagnar Greiningar- og ráðgjafarstöðvar ríkisins við afgreiðslu umsókna.

Sveitarfélög sækja um framlög samkvæmt þessum lið fyrir 1. nóvember vegna yfirstandandi árs og fer greiðsla árlegs framlags fram samhliða lokagreiðslu þjónustuframlags skv. F hluta þessarar greinar.

2. gr.

Reglugerð þessi, sem sett er á grundvelli laga um tekjustofna sveitarfélaga, nr. 4/1995 með síðari breytingum, öðlast þegar gildi.

Ákvæði til bráðabirgða.

Þrátt fyrir ákvæði í seinni málsgrein 1. greinar skulu sveitarfélög sækja um framlög vegna ársins 1999 fyrir 15. febrúar á árinu 2000.

Félagsmálaráðuneytinu, 28. desember 1999.

Páll Pétursson.

Húnbogi Þorsteinsson.

GJALDSKRÁ

vegna sorphirðu fyrir Blönduóssbæ.

1. gr.

Bæjarstjórn Blönduóss er heimilt að leggja á sérstakt sorphirðugjald (sorphreinsi- og sorpeyðingargjald) árið 2000.

2. gr.

Bæjarstjórn Blönduóss hefur ákveðið grunngjald vegna sorphirðu, kr. 6.500, árgjald sem er grundvallað á því að einu sinni í viku sé einn sorppoki hirtur og urðaður frá hverju heimili. Gjald þetta er innheimt samhliða fasteignagjöldum.

3. gr.

Bæjarstjórn Blönduóss innheimtir sorpeyðingargjald hjá þeim fyrirtækjum, stofnunum og öðrum sem nota urðunar- og söfnunarsvæði bæjarins.

Gjaldendum er skipt í flokka, samkvæmt ákvörðun bæjarráðs, miðað við áætlaðan úrgang frá hverju fyrirtæki og/eða starfsstöðum þeirra.

Flokkunin er sem hér segir:

- a. kr. 4.500. Urðað magn (áætlað) að 12 m³ á ári.
- b. kr. 13.500. Urðað magn (áætlað) frá 12 m³ að 48 m³ á ári.
- c. kr. 54.000. Urðað magn (áætlað) frá 48 m³ á ári.

Gjaldendum skal veittur 14 daga frestur til að gera athugasendir við álagningu.

4. gr.

Heimilt er að gera samninga um eyðingu sorps við fyrirtæki þar sem mikið magn úrgangs fellur til, viðvarandi eða tímabundið. Þá er heimilt að gera samninga við sveitarfélög um þjónustu, vegna heimila og stofnana í þeim.

5. gr.

Sorpeyðingargjald á fyrirtæki, stofnanir og aðra sem nota urðunar- og söfnunarsvæði bæjarinnar er innheimt samhliða fasteignagjöldum. Gagnvart þeim notendum urðunar- og söfnunarsvæðis sem ekki eru jafnframt greiddendur fasteignagjalda skal sorpeyðingargjald innheimt með tveimur jöfnum greiðslum, með gjalddögum 1. júní og 1. september.

6. gr.

Gjaldskrá þessi er sett af bæjarstjórn Blönduóss á grundvelli 25. gr. laga um hollustuhætti og mengunarvarnir nr. 7/1998 með síðari breytingum.

Blönduósi, 28. desember 1999.

Skúli Þórðarson bæjarstjóri.

SAMÞYKKT

**um breytingu á reglugerð um holræsi fyrir Selfosshrepp nr. 306/1975,
um breytingu á reglugerð um holræsagjöld á Selfossi nr. 49/1984 og
um breytingu á reglugerð um gatnagerðargjöld á Selfossi nr. 598/1983.**

I. KAFLI

Breytingar á reglugerð nr. 306/1975.

1. gr.

Heiti reglugerðarinnar verður: Samþykkt um holræsi í Sveitarfélaginu Árborg.

2. gr.

Í stað orðsins „Selfosshreppur“ í reglugerðinni kemur í viðeigandi beygingarfalli: Sveitarfélagið Árborg.

II. KAFLI

Breytingar á reglugerð nr. 49/1984.

3. gr.

Heiti reglugerðarinnar verður: Samþykkt um holræsagjöld í Sveitarfélaginu Árborg.